


# MATSETE

 . . .ho ba le metsotso ena e 'maloa le lona batho. 'Me ke motlotlo ho Moena Pearry ka memo ena ea ho fihla mona, le ka tšebelisano ea lōna eohle.

<sup>2</sup> Ke hopola ena e le ketelo ea rōna ea boraro motseng oa lōna o motle. Esale re fumana batho mona ba le mosa, 'me kamehla ba bua, ba otlolla letsoho, hore ba u tseba, kapa che. Ke etetse libaka tse ling tsa khoebo, le kamoo ho leng hotle kateng. Kamehla e bonahala e fapane le holimo leboea le batang; ba mpona ke kena, ba u emela ba tsoa, 'me ke phetho. Empa ke ka seelo u etelang sebaka motha o sa re, "Kea u leboha! Khutla u re bone hape!" Ke rata seo.

<sup>3</sup> Hape, ke nahana hore Moena Pearry mona, kamoo nka 'mitsang kateng, feela. . .Ke moholo ho ntatae, ka hona ke a kholoa nka 'mitsa Moena Pearry. Re ne re batla re sa tsebe moshanyana, haese ka ho tsebisoa ke mora oa ka feela, Billy Paul, ea keneng sekolong le eena. Empa ha ho ka ba le motho motseng ona, kapa mathokong, moo thelebishene e ka fihleloang, ea tla lahleha tsatsing la ho qetela, e ke ke ea ba hobane Moena Pearry ha a ka a etsa matsapa ohle ho leka ho isa batho ho Kreste. Ruri ha A siea lejoje le le leng le sa buloa. 'Me ke nka ona e le monyetla o moholo ho fihla mona.

<sup>4</sup> Ha Moena Pearry a re ho 'na, na nka "bua moketeng o monyenyanane" o ne a hlophisitse, hore ba bang ba basebetsi-'moho le eena ba khoebo ba tla be mona. Be, ruri ha ke sebui. Ha ke—ke itlalehe joalo, empa ke hopotse joalo. E ka ba tlotla ho 'na, ka mor'a ho ba le memo e joalo, ho bua le—le. . .basebetsi-'moho le eena ba khoebo.

<sup>5</sup> Ke fuoe monyetla oa ho hahlaula machabeng, lefatše ho pota. 'Me ke bua haholo bakeng sa Likhaolo tsa Borakhoebo ba Evangeli e Tletseng. 'Me kea tseba ena ke nakoana ea botsoalle, ka hona ke rata ho hlalosa ntho e ntle khetlo le leng. Monna o ne a le teng, hoba ke qete ho bua. . .E ne e le borakhoebo bohle. 'Me, ka hona, ka ntle ho le thaka le leng la tla ho 'na, 'me a re, "U moreri, na ha ho joalo?"

'Me ka re, "E, monghali."

<sup>6</sup> A re, "U pota-potiloe ke bo-rakhoebo baa ka lebaka la eng?"

Ka re, "Ke rakhoebo le 'na."

Ka hona a re, "Oh, u eèna?"

'Me ka re, "E, ke—ke rakhoebo."

Ho re, "U khoebong ea mofuta mong, monghali?"

'Me ka re, "Tisetso ea Bophelo Bosafeleng."

7 'Me a sa nkutloisise hantle feela. Ka e bua ka potlako. A re, "Oh, e—e Inshoreense ea Bophelo Bosafeleng." Ha ke a re inshoreense; ke itse kholiso, 'me o . . . Empa ha ke a 'molella. 'Me a re, "Bophelo Bosafeleng," ho re, "ha ke tsebe. Ha ke kholoe nkile ka utloa ka eona pele."

Ka re, "Ho hobe haholo."

A re, "Be," a re, "lintlukhōlō li kae?"

Ka re, "Leholimo."

8 Ke sa ntse ke kene khoebong eo. Ke rata ho rerisana le mang oa lōna ka pholisi, ka mora tšebeletso, bosiuung bona. Ke chesehela mosebetsi oa ka haholo. 'Me, ka hona, 'me ha kea re joale, "inshoreense," ke itse, "kholiso."

9 Inshoreense e itoketse, utloisisang. Ke sa hopola . . . Ehlile, lekhatheg lena ha ke na eona.

10 Ke hopola, hoba ke nyaloe, 'na le mosali oa ka re ne re lutse ka tlung, tsatsi le leng. 'Me motsoalle oa ka ea lokileng . . . Moena oa ka ke morekisi oa inshoreense, Western-Southern. Moshanyana enoa e ne e le morekisi oa Prudential. Ke kene sekolo le eena, moshanyana ea khabane haholo. Moena oa hae—oa hae o ngola *The Upper Room*, hoba, ke a kholoa ke moreri oa Baptise, 'me o ngola lirats'oana pampiring e bitsoang *The Upper Room*. Batho ba khabane haholo. Ka hona a tla ho mpona, tsatsi le leng, 'me a re, a re, "Billy, ke—ke utloa ho thoe u kile ua hlabehisoa hanyenyane ke inshoreense."

'Me ka re, "E."

11 A re, "Maikutlo a hao a le bohla hanyenyane nqa bona?"

Ka re, "Che, ha se hantle."

A re, "Ke hopotse ho tla bua le uena ka pholisi, Billy."

12 'Me ka re, "Be," ka re, "Wilmer, kea leboha," ka re, "empa ke—ke na le ashoreense."

'Me a re, "Oh, ke masoabi."

13 'Me mohatsa ka a ncheba, eka hoja ke le moikaketse. A tseba hore ha ke na letho. A ncheba a hloletsoe feela. Ka re . . .

14 "Oh," a re, "ke masoabi, Billy." O hopotse ke e rekile ho moena oa ka, Jesse. 'Me ka re . . .

Mohatsa ka a ncheba. 'Me a . . . Ka re, "E, ke na le ashoreense."

'Me a re, "U k'hampani efe?"

'Me ka 'molella eona ntho eo, "Bophelo Bosafeleng."

'Me a re, "Oh," ho re, "na ke eona?"

15 'Me ka re, "Ee. Ke na le: Tiisetso e bokoang, Jesu ke oa ka! Oh, ke tatso e kakang ea khanya e Khethehileng! Ke mojalafa oa poloko, ea rekiloeng ke Molimo, ea Tsoetsoeng ke Moea oa Hae, ea hlatsoitsoeng Maling a Hae.

16 A re, “Billy, hoo ho hotle haholo. Ke ananela seo. Empa hoo ho ke ke ha u beha holimo mona setšeng sa bafu.”

17 “Empa,” ka re, “e tla ntša. Ha ke tšoenyehe . . .” Uh-huh. Eya. Ha ke tšoenyehe ka ho kena; ke ho tsoa.

18 Ke sa ntse ke rata ho rerisana le lona ka pholisi, ka mora tšebeletso, haeba . . . Ke tiile hore E lokile.

19 Joale, ka tloaelo ke emisa batho ha re bala Lentsoe, empa, bosiueng bona, ke tla leka ho e tloa hobane ho thata haholo—haholo ho lona ho ema. Empa pejana re bala Lentsoe, ha re inamiseng lihlooho tsa rōna nakoana feela, re sa bua le Mongoli oa Lentsoe. Joalokaha re ne re soasoa, le ho liha, kapa, joalokaha re e bitsa, “ho phutholoha.” Ka hona ha re keneng lehlakoreng le khethehileng joale, le ka botšephehi, ’me re sokollele lipelō tsa rōna nqa Leholimō re sa phetla Lentsoe. Joale monna ofe ea khonang ho tsamaisa matsoho a hae a ka phetla Bibehe, empa ruri ha ho mang ea ka bulang kutloisiso haese Moea o Halalelang o moholo, ka hona ha re bueng le Eēna.

20 Ntata rōna oa Leholimō, ruri re thabile, bosiueng bona, ho phutheha mona le sehlopha sena sa batho, lehlakoreng lena la Bosafeleng, le ho kenela botsoalle bona bo botle. ’Me re sa lutse re potile litafole tsena, bosiueng bona, re shebane, le balekane ba khoebo le—le Bakreste, rea tseba ho tla nako e ’ngoe eo re tla kopana. Re tšepa bohle re tla ba Mono, e mong le e mong a be teng Selallong se seholo seo sa lenyalo sebakeng, mohla Khosi a tlang ho tsoa, ho hlakola likeleli tsohle mahlong a rōna, le ho re, “Ho sebelitsoe hantle, bahlanka ba Ka ba lokileng le ba tšepelang, kenang menyakeng ea Morena, e lokiselitsoeng lona esale ho theoa lefatše.”

21 Haeba ba bang ba le teng, Morena, ba sa U tsebeng ka tsela eo, ’me ke rapela bosiueng bona hore ho etsoe ho hong kapa ho buuo ho tla fetola tsela ea bona ea ho nahana, ho retolohela ho Uena; e ka bang mona, kapa ka—ka mokhoa oa thelebishene, kapa ka liteipi tse tla tsoa mona.

22 Re hlohonolofatse ’moho joale, le ho hlohonolofatsa palo ea Lentsoe la Hau. Fetolela lipelo tsa rona le mehopolo ea rona mafellong a bophelo bona, le hore boemo ba rona e tla ba bofe nakong eo. Hoba re tiile, Ntate, hore bohle re tlameha ho tloha lefatšeng lena. Re batho ba busoang ke lefu, ’me re shebeng Rabosafeleng, eena feela Ea ka re fang Bophelo ka nqane ho mona. Ka Lebitso la Mora oa Hae, Jesu Krete, re a e kopa. Amen.

23 Ke rata ho hulela maikutlo a lona, metsotso e ’maloa joale, palong ea Lentsoe la Molimo. Ke rata ho qala ho bala Evangeling ea Santa Mareka, ke nahana khaolo ea 10, le ho qala ka temana ea 17.

*Etse hobane a tsoe a kene tseleng, e mong a mathela ho ena, a khumama fatše . . . ’me a ’motsa, a re, Moruti*

*ea Molemo, ke tla etsa joang ho rua lefa la bophelo bosafeleng?*

*. . . Jesu a re ho eena, “U mpitsetsang ea lokileng? ha ho ea lokileng haese a le mong, ’me ke, Molimo.*

*U tseba melao, U se ke ua feba, U se ke ua bolaea, U se ke ua utsoa, U se ke ua fana ka bopaki ba leshano, U se ke ua qhekanyetsa, Hlompha ntatao le ’mao.*

*Empa a araba a re ho eena, Moruti, tseo tsohle ke li bolokile haesale le bonyenyaneng ba ka.*

*Jesu a mo talima a mo rata, a re ho eena, U hloka ntho e le ’ngoe: e-ea, rekisa ka tsohle tseo u li ruileng, u li abele mafutsana, ’me u tla ba le matlotlo leholimong: u tle, le ho nke sefapano sa hau, u ntatele.*

*’Me a soaba ke polelo eo, ’me a tloha a soabile: hobane o ne a na le maruo a maholo.*

<sup>24</sup> Morena a ekeletse mahlohonolo a Hae Lentsoeng re sa leka ho ntša mohlolithero le thero mona. Joale ho nahana ka temana ea ho ba ’moho le borakhoebo, ’me kamehla ke hopola borakhoebo ba thahasella e—e matsete a matle, ke tle ke reelle mohlolithero joale metsotsong e ’maloa e latelang: *Matsete.*

<sup>25</sup> Rakhoebo ea molemo o lula a batla e—e letsete le letle, le tsitsitseng. Haeba a se joalo, e tla ba ha se rakhoebo ea lokileng. O tlameha ho batla ntho ea makhontho.

<sup>26</sup> ’Me ke rata ho bua le lōna ka memo eo ke le neileng eona nakoana e fetileng, holim’a pholisi ena ea Bophelo Bosafeleng, jaalokaha ke itsebisitse joaloka e—e rakhoebo. ’Me ke na le khoebo, ’me ke rata ho qoqa le lōna nakoana ka eona. Le Mangolo a ’maloa ao ke a ngotseng fatše mona, le mohlolithero, ke rata ho sebelisa tsena nakoana, linoutšu tsena.

<sup>27</sup> Ha se e—e khoebo e ntle ho becha. Mang le mang o tseba seo, ho gembola ha se khoebo e ntle, hobane ke ho nka akanya. Le ka mohla, kapa ke ka seoelo u bonang semokolara . . . Tsatsi le leng ke monna oa morui, ’me tsatsi le hlahlamang o a qela. Ka baka leo u nka monyetla o mongata haholo, ho—ho becha. Ke nahana e—e—e motho ea bechang ke—ke ho phela ka nako le motsotso feela, ’me ha a lebella bokamoso, ho seng joalo a ka be a sa beche.

<sup>28</sup> ’Me ha ke lumele ntho tse ling tsena tsa matsete ana a ho rua ka bosiu bo le bong, hape, ke likhoebo tse se nang seriti. Joale, rakhoebo ofe ea lokileng a ke ke etsa phupe-ka-lefe e joalo, mohlomong ka—ka polokelo ea bophelo ba hau, moputso oa hau; ’me a ka e tsetela mokheng o itseng oa bosiu-atamela, ho rua-ka-bosiu-bo-sang. ’Me e sa tsebjoie. Motho o matha a kena ka mohopolo oa mofuta, ho thoe, “Mona re—re tšoere k’hamphani e itseng mona,” ha e na nalane. Ke nahana monna ea lokileng, ea kelello e pholileng e ka ba sethoto ho leka ho beeletsa joalo e—e k’hampaning e joalo.

29 Hobane, ke bile le motsoalle, khetlo le leng, ea—ea lekileng ntho e joalo. 'Me, hoba a etse joalo, a—a lahlehelo a ke sohle sa hae, 'me a lahlehelo a ke moputso ohle oa bophelo ba hae. Hoba a itokiselitse ho tlohela mosebetsi, 'me a nahana, “Ho lokile, ke tla—ke tla nka monyetla ona,” hobane monna eo ekare o ne a tseba seo a buang ka sona. Empa, ka fumana hore, e—e khampani e ne e le khampani ea boipeho—tumelo feela, 'me ho se litoko kapa letho, ka hona thaka la batho la lahlehelo a ke tsohle tseo a neng a li ruile.

30 Ka hona ke nahana, ha motho a batla ho etsa matsete a matle, o tlameha ho hlahloba khampani ea hae pele, kapa seo a tsetetseng ho sona, le ho fumana seo a tlang ho se etsa. Ke nahana motho ofe ea kelello a ka etsa joalo.

31 'Me hape, pele ke tsoelapele, ke rata ho re, ha se mohopolo o motle ho boloka chelete ea hau mokotleng oa hau. Batho ba bangata ba re, “Ke tla—ke tla e kenya mokotleng oa ka feela, 'me ke—ke. . . 'me ke e tsoere.” Empa, le a tseba, lona borakhoebo le basali, ha le nahane ka litlhaloso tseo. 'Me ha se ntho e molemo, hobane e ka utsua.

32 Ho molemo ho e nokela e phikolohe mocheng. Joaloka ha Morena a boletse, ka mohla o mong, O nehetse litalenta tse kana ho bongata bona, le lintho tse joalo, 'me eaba o. . . ba e tsetela. 'Me bao ba tsetetseng hantle, a tiileng, E ba untšitse liabo. Empa eitseha monna e mong a re, “Ke—ke e bolokile feela. Ke—ke ne ke sa batle phupe-ka-lefe ea letho ka eona. Ke—ke e kentse mokotleng oa ka. Kapa, ke e patile nqa e 'ngoe.” Eaba O nka seo A mo neileng sona, le ho e fa ea unneng liabo tse ngata, ea entseng letsete le letle. 'Me Morena oa rōna o sebetsa lintho joalo.

33 Joale, empa haeba u ka tsetela ho nthong eo u batlileng ho ba le bonnete ba eona, u ne u tla itholla feme e ntle, e tšepahalang e pakiloeng e tla lefa hantle. Joale, eo ke peeletso e ntle, e tiileng. Hoba u hlahlobe khampani, u tseba metho ea eona, ho qoqa le motho ea entseng khoebo le khampani ena, le ho utloa bopaki ba e mong le e mong, “Ke liphoresente tse lekholo. Kamehla ba tsepama botsekeng ka meputso ea bona. 'Me—'me e tšehelitsoe ke mohloli o moholo, k'hamphani e ke ke ea chona.” 'Me eo ke peeletso e ntle, e tiileng. 'Me joale, bophelong bohle, batho ba rutiloe seo.

34 Joale bosiueng bona re bua ka Lengolo, la mohlankana oa Moheberu, e ne e le e—e moshanyana oa morui. Ekaba o tsoile lelapeng le letle haholo, ntle le pelaelo. Bopaki ba hae bo mo supile a tsoa e—e lelapeng le letle. O bitsitsoe, ka Bibeleng, “mohlankana oa morui.” Ke tla e fetola bosiueng bona, nakoana feela, ho re, “rakhoebo e mocha oa morui,” hobane o ne a tsoere khoebo, 'me a thahasella e—e khoebo. 'Me ntle le pelaelo ntatae e ne e le rakhoebo e moholo ea atlehileng, ho seng joalo a ka be a sa fumana seo a se ruileng. Empa o holisitsoe ho—ho ba rakhoebo.

35 'Me o bone ntho ka ho Mothaka e mocha enoa oa Galelea, Moporofeta e mocha enoa ea bitsoang Jesu oa Nazaretha. Ntle le pelaelo o utloile moprista oa hae a bua ka Eèna, 'me mohlomong khahlano le Eèna. Empa mohla a ne a talima Morena Jesu khetlo la pele, ho le ntho e fapaneng le motho ofe feela ka Eena.

36 'Me ke bua sena, joaloka Mokreste, ruri ha eso fetohe. Re na le baithuti ba baholo ba thutabomolimo naheng, lefatšeng lohle, re ba fumane ka likete tsa lilemo, ba ka re hlahisetsang e—e tumeloana. 'Me ba rupetsoe litumeloaneng tseo, le kereke e—e leng kereke e tsitsitseng hantle. Empa le joale ha se pholisi ea ka—ea ka eo ke buang ka eona bosiuang bona. Ke bua ka Bophelo Bosafeleng.

37 'Me mohlankana enoa, o itsebile e le setho sa kereke, empa o bone ntho e fapaneng ka ho Jesu. Eaba o fua monyetla oa ho tsetela peeletso, mohla a fumanang Jesu 'me a bone seo A neng a se etsa. 'Me o ne a balile Bibehe ea hae, 'me a bone ka ho Jesu seo a utloileng baporofeta ba hae ba se balile kerekeng ea hae, le seo ba neng ba le sona. 'Me ntle le pelaelo o ne a ithutile hoo. 'Me eitseha a bona ka ho Jesu enoa oa Nazaretha, eo ho thoeng o har'a batho, Moporofeta, o bone ho hong ka ho Monna enoa ho Mo tsebahalitseng le Mangolo.

38 'Me ke nahana, kajeno, ha e a fetoha hakaalo. Babali ba Bibehe le barati ba Bibehe, ha re hlile re habanya hlalefo ea rōna, ea seo Jesu a neng a le sona le seo A leng sona, e fetola boitšoaro bohle ba rōna. Ha ho ea tšoanang le Eena, ho sa tsotelehe botle bo bokakang. Re itse re utloisisa hore O . . . Re Mo hopola a sa kena sekolo hakaalo, 'me O buile joaloka monna oa tloaelo feela, le ho apara joaloka monna oa tloaelo, le ho phela le monna oa tloaelo. Empa ntho e ikhethang ka Monna enoa e le teng, 'me ea hohela maikutlo a thakanyana lena. Hakana, hoo, leha a ruile leruo lohle la lefatše, mohlomong, leo a le hlokileng 'me a ka le sebelisa bophelong ba hae, 'me o ne a khotsofetse hantle ka seo. Empa o bone hoba Monna enoa o ne a shebile bokamoso le ho ba bolella lintho tse tlang ho tla, le ho Itsebahatsa Lengolong, 'me Molimo oa Itsebahatsa ka ho Monna.

39 Joale ha ho motho ea phelang, ea kelello e pholileng, haese kamehla ea ipotsang moo a tsoang teng, hore ke mang, 'me o ea kae? Ho ngotsoe libuka tse ngata, bo-rafilosofi ba hlaha ba nyamela. Empa Buka e 'ngoe feela e tla u bolella na u mang, moo u tsoang teng, le moo u eang teng, 'me eo ke Bibehe. Ke eona feela Buka. Har'a libuka tsohle tse khabane tseo re nang le tsona, u ka li lahlela kantle, e 'ngoe le e 'ngoe. Ena ke 'Nete. Sohle se khahlano le Sena ha se a loka. "Maholimo le lefatše li tla feta, empa Lentsoe la Ka le ke ke la hloleha. Lentsoe la motho e be leshano; la Molimo e be 'nete."

40 'Me ha u bona ntho e tiileng hakana ka pel'a hau, 'me Mangolo a tšepisitse letsatsi leo, seo Messia eo a neng a tla ba

sona. 'Me mohlankana enoa o bone ea supiloeng ke Molimo, joale seo se entse hore Jesu a fapane ka ho feletseng le motho ofe e mong eo a kileng a mo bona. Kahoo, a fuoa monyetla.

<sup>41</sup> Mohla a neng a fumana Morena Jesu, 'me mohlomong a 'Mone likopanong tsa Hae le tšebeletsong ea Hae, a mathela ho Eena 'me a itihela maotong a Hae, ho bontša katamelo ea hae e ne e lokile.

<sup>42</sup> 'Me a re, "Moruti ea Molemo, nka etsa joang ho rua Bophelo Bosafeleng?" Joale ke eona ntho e botsitsoeng. E seng chelete ea hae, kapa e sen, "Na nka ingolisa le kereke ea Hau, Monghali? Kapa na nka ingolisa le mokhatlo oa Hau?" Empa, "Ke tšoanela ho etsa'ng ho rua Bophelo Bosafeleng?" E ne e le potso eo.

<sup>43</sup> 'Me o ne a filoe monyetla oa ho E amohela, empa o entse qeto ea lepotlapotla. O ne a . . . ho e hana. A sa thahaselle, ha a fumane se hokahaneng le eona. O lemohile, ho etsa sena, a tlameha ho tela botumo ba hae. Hobane, Jesu o ne a sa tuma, a sa lumeloa har'a, nkare, liperesente tse mashome a robong tsa batho, kapa liperesente tse mashome a robong a metso e mehlano. O ne a sa lumeloe, joaloka motho ea itseng ea "moea o mobe," 'me a bitsoa, ke bongata, "Belsebule," liabolosi.

<sup>44</sup> 'Me, koana, Mangolo a ne a Mo supa ka ho phethahala. A boela a lebisa ho bona, ho re, "Batlisisang Mangolo, hoba ho Oona le nahana le na le Bophelo Bosafeleng. 'Me ke Oona A pakang ka 'Na, kapa a bolelang hoba Ke Mang."

<sup>45</sup> Moshanyana enoa oa Moheberu, ea holisitsoeng lapeng, 'me a tseba hobane Bible e ne e—e ne e ba boleletse ka ho hlaka, Mangolo, Molimo, Jehova, o ne a boletse ho re, "Ekare ha e mong a hlaha hara lona, e leng motho oa moea, kapa moporofeta, 'Na Morena ke tla Itsebisa eena ka lipono. 'Me ekare ha seo a se buang se hlaha, le utloe moporofeta eo, hoba Ke na le eèna. Empa ekare ha e sa hlahe, le se ke la e utloa."

<sup>46</sup> Ke puo e hlakileng. Ke monahano o utloahalang feela. Haeba a e buile, 'me e sa etsahale, e tla ba ke leshano; Molimo ha o a e bolela. Empa haeba a e bua, 'me e—e etsahala, ke 'nete; 'me ha ho letho le fetang, le lokileng ho feta 'nete.

<sup>47</sup> Ka hona mohlankana enoa o ne a bone sena ho Morena Jesu, 'me a tseba hobane O tšoere linotlolo tsa Bophelo Bosafeleng bona, 'me a batlile Bophelo Bosafeleng bona, empa a hana monyetla tsetela matsete a hae. A sa thahaselle matsete a joalo. Leha koana e . . .

<sup>48</sup> O ne a tsebahalitsoe ka ho hlaka hore E ne e le Mora Molimo. E supiloe ka ho phethahala. Moroetsana o ne a emotse, a tsoala Mora. O ne a entse pontšo e 'ngoe le e 'ngoe eo Messia a neng a tlamehile ho e etsa.

<sup>49</sup> Empa ho Mo amohela, a tlameha ho sutha moetlong oa hae. A tlameha ho e furalla.

50 Re rata ho e abela feela . . . moshanyana enoa oa Mojuda, empa ho hobe re tlameha ho e lemoha, le kajeno, ka ho tšoana. Ke moputso o moholo. Re ka abela likereke tsa kajeno. 'Me hangata, batho ba ipitsang balumeli, 'me ha ba ikemisetša ho ikarola le ho sutha linthong tsa lefatše, joaloka ha 'musisi e mocha enoa a kopiloe ho etsa, ho rua pholisi ea Bophelo Bosafeleng. Koana, ka mora moo, le rona re E bona e supiloe ka ho hlaka ke Lengolo, hore Lipholisi li sa ntse li abeloa mang ea batlang ho E amohela.

51 Joaloka ha ke boletse, o bone ho hong ka ho Jesu, ho se motho, empa moputso o ne o le moholo a bile a sa batle ho lefa moputso.

52 Ho a tšoana le kajeno. Joalokaha ke lumela, bosiu ng bona, ekaba ke bua le malumeli a fapaneng, Methodise, Baptise, Presbeteriene, Roma e Katolike, Mojuda oa Molao, Buddha, le eng hape, bao ke borakhoebo ba metse. Empa, ruri, ha u bona ntho ka mahlo a hau, eo Mangolo a e supang e le 'nete; re tla be re le batho ba se nang molemo ka ho fetisisa, hoo, haeba re thahasella Bophelo Bosafeleng, ho Bo hana. E ka ba e—e qeto ea lepotlapotla joaloka ha mohlankana enoa a entse. Hangata, esita le tšebeliso ea rōna ea bolisa kajeno e etsa phoso eona ena e khohlahetseng, leha e le baithuti ba bentšitsoeng litumeloaneng, ba tsebang A ho fihla ho Z. Empa, hopolang, baprista bao ba letsatsi leo ba ne ba tseba mangolo, ho tloha ho A ho fihla ho Z, hape, empa ba sitiloe ho bona seo mohlankana enoa a se boneng.

53 'Me o ne a thahasella e—e Jesu ho mo fa Bophelo Bosafeleng. Empa eare ha a fumana seo e tla mo qosa sona, joale a se ke a thahasella.

54 Le a tseba, Bible e a re bolella, mongoaheng ona oo re phelang ho 'ona. Joaloka ha Moena Pearry oa rona ea mosa mona a re hlalositse, o lumetse e ne e le matsatsing a qetelo. Ruri, ke e lumela ka ho tiea ka pelō ea ka eohle. Ke lumela Lengolo le e tsebahatsa.

55 Ke lumela hore—hore—hore mahlale a e tsebahatsa. Boramahlale ba re, "Ke metsotso e meraro pele ho khitla ea bosiu." E—e . . . Mananeo a rona ao re a bonang thelebisheneng le—le seyalemoyeng, le—le kamoo batho ba rona ba itšoereng kateng, ke . . .

56 Joalokaha ke entse tlhahiso mona kapa kae-kae, hore e nkhopotsa, ka boitšoaro ba bona bohle, e nkhopotsa moshanyana ea fetang mabitleng bosiu, a ntse a letsa mololi, ho leka ho ithetsa a sa tšoha, empa o joalo.

57 Ke bona bothata ba ho sokolohela ho sohle seo re se etsang kajeno, boitšoaro bohle ba rōna bo tummeng. Re leka ho nahanisa batho hore ha re tsebe hob hora e atametse, empa re a tseba e haufi. Boramahlale ba rona ba a e tseba. Ea rona . . . Pentagon e a tseba. Tsohle, bohle re a tseba hore ntho e 'ngoe e mothating oa ho etsahala. Uena, u ka e utloa hantle sebakeng, 'me rea tseba e haufi.



58 'Me Bible e a rōna e a re bolella, ho Tšenolo khaolo ea 3, hore kereke mongoaaheng ona e tla etsoa tsebatsoa sa mohlankana enoa, oa morui, oa Moheberu, “barui, ha ba hloke letho,” Mongoaha ona oa Laodisea. Haeba bareri ba le teng mona, kapa babali ba Bible. Ona ke Mongoaha oa Laodisea. 'Me o itse, “Erekaha ke ruile, ke lutse joaloka mofumahali, ha ke hloke letho.” Ho re, “Athe ha u tsebe hobane u soto, mofutsana, sefofu, malimabe, feela, athe ha u tsebe.” Ntho e haulang ka qotso ena ea Lengolo ke . . .

59 Ha re bona monna kapa motho seteratang, ea fufetseng 'me a hlobotse 'me a le soto a futsanehile, eo e ka ba e—e pono e tšabehang. Ha ho motho haese ea tla matha ho bona kapele kamoo ba ka khonang, le ho re, “Motsoalle, u feela. U tšoanela—u tšoanela . . . U pepesitsoe. Kena, ka potlako, 'me—'me—'me e re ke u apese liaparo. 'Me ke tla u isa nqa e 'ngoe ho bona haeba nka fumana ngaka, e ka busetsang pono ea hau,” kapa ho leka ho etsetsa motho ntho e 'ngoe.

60 Ho ka thoeng ha u ka kopana le motho ea joalo, ebe ba retolohela ho uena ba u joetsa ho shebana le litaba tsa hau? Ha ba tsebe le hore ba maemong ao. Joale haeba u le joalo, 'me u e tseba, ha ho hobe haholo. Empa ha u le joalo, 'me u sa e tsebe, ke eona karolo e mpe. U ke ke ua ba bolella.

61 'Me Lengolo lena le tšoanela ho phethahatsoa, joalokaha Mangolo ohle a tšoanela ho phethahatsoa. Bible e boletse maemo ana a tla hlaha matsatsing a qetelo. 'Me ba hanne Jesu, 'me O ne a le kantle ho kereke, a leka ho kena kahare. Ho e hana, ka ho hlaka joaloka ha mohlankana enoa oa Moheberu a entse. 'Me ena e ne e le kereke ea Balichaba, kereke ea Monyaluoa, e bitsitsoeng, e bitsoang “kereke ea Bokreste” matsatsing a qetelo, empa ba Mo ntšelitse kantle ka lona lebaka leo rakhoebo e mocha enoa oa Moheberu a Mo ntšelitseng kantle. Moputso o ne o le moholo haholo. Ba sitiloe ho E amohela.

62 Bible e boletse mona hore ba ne ba “ruile,” ho itsoe ba “sa hloke letho.” Mohlankana enoa e ne e le morui, a sa hloke letho. “Re bolumeli bo khabane bo lohileng litaelo tse kholo. Re theile bolekanane. Re na le *hona* hohle, *hoane*, kapa ho *hong*. Re theile litumeloana tsa rona makholo a lilemo. Re lutse. Ha re hloke letho. U se ke ua re bolella letho ka Eona!”

63 Be, ke boitšoaro bo khohlahetseng ho feta boo thaka lena le bo nkileng. A se ke a nka boitšoaro ba mofuta oo. Bible e boletse, ho re, “Jesu a mo sheba 'me a mo rata.”

64 Ke a ipotsa kajeno, hara pherekano eohle ea rona le lefatše la rona, 'me koana re leka ho tiisetša maipolelo a rōna a Bokreste, haeba e se lerato la Molimo le susumetsang bosebeletsi ho lula tšimong. Kea ipotsa na ha se ntho e tšoanang, joalokaha mona re Mo fumana a kokota monyako, a leka ho kena. Joale re fumana lintho tsena, tseo ho haola le mengoaha eohle, esale ho le joalo.

65 Joale, ho boloka nako, ho bua ka pholisi hape, le ho le hlakisetsa eona nakoana.

66 Joale moshanyana enoa oa morui, ha a kōpa ho ingolisa kerekeng ea Hae. E—e ne e le setho sa kereke. E pakiloe.

67 Jesu a re ho eena, “Boloka melao. U a e tseba. U se ke oa feba. U se ke ua utsoa. U se ke ua bua leshano, uaq qhekanyetsa. ’Me —’me u etse, ’me—’me u ntano hlompha ntatao le ’mao.”

68 ’Me mohlankana enoa a ipaka e le e—e moshanyana ea khabane, ea rutehileng, e seng seo re ka se bitsang kajeno, e—e molotsana. E ne e le moshanyana ea lokileng, o holetse lalapeng le letle. A re, “Monghali, ke entse tsena ho tloha ke sa le moshanyana, bophelo bohle ba ka.” Le a bona, hoo ho supile batsoali ba hae e ne e le batsoali ba lokileng. O ile kerekeng e neng e lumela ho boloka melao. Empa koana, ka kerekeng, ho boloka melao, ho sa ntse ho sa arabele seo a se boneng ho Jesu. O tsebile.

69 Ka tumeloana ea rōna le ka kereke ea rōna, le ka ho boloka melao, hoo ho sa ntse ho sa re abele Bophelo Bosafeleng. Ha e a etsa mohlang oo, le kajeno ha e e etse joalo. U tlameha ho etsa ho hong.

70 Joale, re mo fihlela e se ka hobane e ne e se setho sa kereke. E ne e se kahobane a ne a sa loka ka boitšoaro. O ne a le joalo.

71 Empa re ka ba setho sa kereke, ’me ra itšoara hantle, re ntse re sa rua Bophelo Bosafeleng. Ha se ho tseba Lentsoe; ba bang ba bona ke baithuti ba thutabomolimo, le baithuti, le baruti ba sekolo sa Sontaha, bataloki ba Bibe, empa hoo ha ho bolele letho. Satane o tseba Bibe eo hantle ho feta mang oa rōna. Bibe e itse, “Ho Mo tseba ke Bophelo,” e seng ho tseba Lentsoe. “Ho Mo tseba ke Bophelo.” Satane le eena o a lumela ’me o a thothomela. Empa re tlameha ho fumana boiphihlelo ba lefu, kepele, le tsoho, ho tloha bophelong ba rona ba khale, ho ea Bophelong bo bocha bo kenang ka ho Krete. Bo tlisoa feela ke Moea o Halalelang, Bophelo bo bocha.

72 Joale ha re hlahlobeng ba bang ba batho bana ho theoha le mengoaha, ba tšoereng pholisi ena, le ho bona haeba e lefa kapa che. Hape ke rata ho le tlisetsa, joalokaha ke le boleletse tšimolohong, hore u lokela ho buisana le motho ha u il’o etsa letsete; fumana se etsahalang, eng, na se lefa hantle. U tlameha ho etsa joalo khoebong ea hau. Ke batla ho bua ka ba bang ba tšoereng pholisi ena.

73 Ke hulela maikutlo a lona, bosiuang bona, morao ho Genese, ho moporofeta ea bitsoang Nohe. Leha koana a lekiloa ka mokhoa o mong le o mong a o khonneng, ka mokhoa o mong le o mong oo Satane a khonneng ho mo leka, ho mo telisa pholisi eo; empa Nohe o ne a tšoare tšepiso ea Molimo, pholisi ea Bophelo, hoba Molimo o ’moleletse tsohle ka ntle ho areka

eo li tla timetsoa, leha e bonahetse e le ntho e sa tloaelehang ho batho ba nahanang se-joale ba mehla ea hae.

<sup>74</sup> Ke sona se etsang Evangeli kajeno. Ke ntho e sa tloaelehang, hoba Molimo ha o a tloaeleha. Lentsoe la Hae le tollokoa le sa tloaeloa ho seo re tlamelang ho Le tolloka ka linako tse ling.

<sup>75</sup> Empa, joaloka ha ke boletse pele, Molimo ha o hloke motho ho tolloka Lentsoe la Oona. O Itlhalosetsa ka Sebele ka—ka ho phethahatsa lintho tseo A boletseng A tla li etsa. O tolloka Lentsoe la Hae ka Sebele. Ha A hloke botoloki ba rōna. Eona, botoloki ba rōna ke mehopolo ea rōna e entsoeng ke motho eo re e kenyang ho Lona.

<sup>76</sup> Mohla Molimo o no o re, “Leseli le be teng,” ’me leseli la eba teng. Hoo ha ho hloke tlhaloso ea letho.

<sup>77</sup> Molimo o itse, “Moroetsana o tla emola,” ’me a emola. Hoo ha ho hloke tlhaloso ea letho.

<sup>78</sup> Jesu o itse, “Mora motho o nyolohela Jerusalema ’me o tla neeloa matsohong a batho ba tletseng sebe. Ba tla Mo thakhisa, ’me ka la boraro O tla tsoha hape.” Hoo ha ho hloke tlhaloso ea letho.

<sup>79</sup> O itse, “Ho se ho se hokae ’me lefatše ha le sa tla Mpona; empa lona le tla Mpona, hoba Ke tla ba le lona, le ka ho lona, ho isa bofelong ba mongoaha, ho isa pheletsong.” O teng mona. Ha e hloke tlhaloso ea letho. Ke tšepiso ea Hae.

<sup>80</sup> “Mesebetsi eo Ke e etsang o tla e etsa le eena. Ea lumelang ho ’Na, mesebetsi eo Ke e etsang o tla e etsa le eena.” Hoo ho fumanoa ho Santa Johanne 14:12. ’Me re a tseba hoo ke ’nete, ka baka leo ha e hloke tlhaloso ea letho.

<sup>81</sup> Nohe, ka Lentsoe la Molimo, a itšoarella ka Lona, hoba e ne e le motšoari oa pholisi ea Bophelo, kholiso ea Bophelo. O ne a tšoere pholisi. ’Me e ne e le agente ea pholisi, ’me a tloha a ea hohle. Empa kahobane e ne e sa ratoe, a sa khone ho e rekisetsa mang, e le lelapa la hae feela. E ne e le eena. . . Hae—pholisi ea hae e ne e bonahala e siiloe ke nako, nqa batho. E bonahetse e le khahlano le mabaka a mahlale a letsatsi leo. “Pula e tla theoha leholimōng.”

<sup>82</sup> Pula e ne eso ne holima lefatše, le a hopola. Lefatše le ne le eme le otlolohile. Re ka e paka kajeno, hore le kile la ema joalo. ’Me Molimo oa nosetsa limela ka morero oa nosetso, ho tsoa lilibeng tsa lefatše.

<sup>83</sup> Joale mahlale, tsatsing leo, mohlomong a ne a hlaketsoe ho feta joale, hobane ba hahile lisinkse le lipiramite, le—le joalo-joalo, re ke ke ra leka ho etsa lintho tseo kajeno. Ha re na matla a ka—a ka e etsang, empa ba e hahile. ’Me kea kholoa ba thunyelitse khoeling ka radara kapa seo ba se tšoereng letsatsing leo.

84 Jesu o itse, “Joaloka matsatsing a Nohe,” tsoelopele e ’ngoe e bapisoang le eo, “ho tla ba joalo ho tleng ha Mora motho.”

85 Re bona mona haufinyane moo ba chekileng tsamaiso ea sejoale-joale ea metsi mona old Mexico, ha ho nalane ea eona, ho hang. Le a bona, mohlomong e ne e tsoa mongoaheng o mong o fetileng.

86 Jesu o itse, “Joaloka letsatsing leo,” monna ea masene, ea hlalefileng. Empa haeba e ne e le eona, ho tla ba le pholisi ea Bophelo e abeloang batho. O itsalo.

87 ’Me, Nohe, a ka tšoha a sa khone ho hlalosa. Joalokaha mahlale a boletse, “Re ka nka lisebelisoa ra kholisa pula e le sieo holimō mane. Monghali, u lahlehetsoe ke kelello.” Empa koana a tseba hoba Puo e buileng le eena e ne e le Molimo.

88 Ka hona haeba Molimo o itse, “Metsi a tla tsoa holimo,” leha koana metsi a le sieo, Molimo ke Elohim, Ea leng teng ka boena. Ke Rabokhoni Bohle. Haeba A itse, “Metsi a ka ba teng holimo mono,” A ka tšela metsi holimo mono, ho boloka Lentsoe la Hae.

89 Ntata rōna Abrahamama, ntata lichaba tse ngata, haeba batho ba Bajuda ba tsoa tsoa ba lutse haufi, ke ipotsa kamoo Balichaba ba keneng kateng, Abrahamama e ne e le ntata lichaba tse ngata, “’Me ha a ka a sisinyeha tšepisong ea Molimo ka ho se lumele,” le eèna o ne a tšoere pholisi. Molimo o mo etselitse tšepiso, ho fetoha ntata lichaba tse ngata, e seng lichaba tsa Baheberu feela, empa lichaba tse ling, tseo e tla ba ntata tsona.

90 Lemohang, joaloka ha a entse, tšepiso eo Molimo a mo fileng eona e ne e hlafetse, e le hlaha. A le lilemo tse mashome a supileng a metso e mehlano, ’me Sara a le mashome a tšeletseng a metso e mehlano, pele a fumana tšepiso. Empa a ikarola ho bomosalumele, kaha a itsebile e le mojalefa oa ho loka ka thato ea Molimo, ’me ho sa tsotelehe ho nkile nako e kae!

91 Mohlomong khoeli ea pele ea feta ’me a re ho Sara, “U ikutloa joang?”

“Ha ho phapang.”

92 Ho re “Re tla fumana lesea, leha ho le joalo. Molimo o itsalo. Tsoelapele u lohe libutšū. Lokisa tsohle. Molimo o itse re tla le fumana. Ke phetho.”

Selemo sa pele sa feta. “Moratuo, u ikutloa joang?”

“Ha ho phapang.”

93 “Be, e tla ba mohlolo o moholo ho feta holane e etsahetse khoeling ea pele.”

94 Le a bona, a se a tlotse menophose lilemo tse ka bang leshome mohla tšepiso e ne e abjoa. Ba ne ba se na bana. Tšali e ne e le nyopa, ’me eèna a se omeletse. Ka hona ba . . . Empa a ’na a tiisetša pholisi eo, hobane e ne e le Lentsoe la Molimo, tšepiso. A sa tl’o arohana le eona. ’Me Bibe e boletse, ho re, “Abrahamama

ha a ka a sisinyeha tšepisong ea Molimo ka ho se lumele; a mpa a ipha matla, a ntse a rorisa Molimo; a tseba sena, ho re, O khona ho phethisa seo A tšepisitseng ho se etsa.” Eaba ngoana o a tsoaloa, hobane o ne a tšoere e—e pholisi.

<sup>95</sup> Nohe o ne a tšoere pholisi ea hae, 'me ea pholosa bophelo ba hae. E ne e le moputso oo. E seng bophelo ba hae feela, empa bophelo ba lelapa la hae; ea bo lefella, ka ho ba pholosa.

<sup>96</sup> Ha re bue le motseteli e mong oa inshoreense ena ea Bophelo Bosafeleng. Daniele moporofeta, mohla joalokaha re ka e bitsa. . . Haeba u ka e tšoarella, polelo ea lefatše; ha kea lokela ho e etsa, kea kholoa, mona sefaleng. Ke eona feela tsela eo ke tsebang ho e etsa, “ha lintho li le mafeke-feke.” Morena Nebukadnesare o ne a kene 'me a nkile bana ba Iseraele hobane ba ne ba furaletse Molimo. Ba ne ba entse joalo; ba ntse ba etsa mahlabelo a bona kaofela.

<sup>97</sup> Mohla Molimo o ba kopang ho nyehela likonyana le lipoho, le lintho tse joalo, monna, Mojuda ea khabane, a theoaha ka tsela, a khoaetse pholoana e nonneng kapa—kapa—kapa konyana e nyenyane tlas'a sephaka sa hae, ka letsatsi la pheko, ho theoaha ho nyehela sebe sa hae, o ne a tšepahetse ha a hlaba konyana eo, 'me moprista a e hlaba, 'me a beha matsoho a hae holima eona, a tseba hoba bophelo bo nkiloe ho pholosa bophelo ba hae, o ne a hlabehile ka eona. 'Me ha feela a ne a tšepahetse, ho ne ho itoketse, empa ha fihla mohla e fetohang moetlo oa lelapa, eaba Molimo o re, Oa romela moporofeta temeng, ea bitsoang Esaia, O itse, “Mahlabelo a lona, mekete e mahlonoko, ke lephoka nkong ea Ka.”

<sup>98</sup> Ke hona moo re fihlisitseng batho rona teng. Re ngolisitse kerekeng. Etsoe, ho itoketse, re etsa lintho tseo. Empa, u re, na u Mokreste? “Ke Momethodise. Ke Mobaptise. Ke Mopresbeteriene, Mopentekosta, kapa ntho e 'ngoe e sele.” Ke moetlo. Ha ho sa kenoa, ka botšepahi, hape. Ha ba nyolohe, ho ipapisa le Mangolo le lintho. Ba mpa ba phela ka boithatelo ba bona. Ha ba ena le molisa ea lehang ho ba lokisa, ba mo ntša. Ha ba amane le eena ka letho haeba a sa khone ho kenya Hollywood ka kerekeng; meketjana, lipitiki tsa bunco, lilallo tsa sopho, le ntho eohle esele; ho lumella basali ho itsoara borata ba bona, le ho apara borata, boitsoaro bo hlephileng, ntho efe feela. Khoheli ea bong e fetoha e—e temalo ea kajeno. Ke lihlolong.

<sup>99</sup> Jesu o itsalo, ho mosali eo. U ka hloeka ka bokhoni ba hau, empa u tla arabela bofebe ka letsatsi la kahlolo, uena ea apereng liaparo tseo. Jesu o itse, “Ea shebang mosali, ho mo lakatsa, o se a mo febile pelōng ea hae.” 'Me ho sa tsoetelehe u hloka sekoli hakae, moetsalibe eo o tla arabela bofebe, 'me ke uena ea bo hlahisitseng. Lona Bakreste, na ha le soabe? Le loketse ho itsoara joaloka barali ba Molimo.

<sup>100</sup> 'Me lona banna, litho tsa kereke, batikone, esita le ho bareri, ba lumellang basali ba lōna ho etsa joalo, le tlameha ho ba bara ba Molimo. Hoo ha ho utloahale eka boitšoarō ba mora Molimo ka semelo sa Ntatae ka ho eena. Ba tšaba ho bua letho hobane mokhatlo o tla u leleka. Ke hantle.

<sup>101</sup> Daniele o ne a rerile pelōng ea hae a sa tl'ō silafatsa matsete a hae. A rera, "Ho sa tsotelehe seo lefatše, kamoo morena a ruileng kateng, le kamoo a lelang ho nkholela hole koana linthong tsa lefatše, nke ke ka e etsa. Nke ke ka silafatsa matsete a ka."

<sup>102</sup> Oho uena lefatše la Bokreste, u se ke ua silafatsa matsete a hau u a entseng Bopheleng Bosafeleng. U tla a silafatsa.

<sup>103</sup> Daniele o ne a ikemiselitse ho se etse joalo. E lefile, ka ho pholosa bophelo ba hae mohla a lahletsoeng lemeneng la litau. Matsete a hae a lefile ka 'nete.

<sup>104</sup> Bana ba Baheberu ba ne ba ikemiselitse ho se khumamele seseto. 'Me a lefa, ka ho pholosa maphelo a bona seboping sa mollo.

<sup>105</sup> Eaba ho fihla Simone Petrose, Mofarisi ea khabane ea rutiloeng ke ntatae, hore ho tla fihla letsatsi leo—leo Messia a tla fihla ka lona. Mengoaheng eohle, batho ba Bajuda ba ne ba e lebeletse. 'Me ntle le pelaelo ntatae o 'moleletse, "Mora . . ." Ke—ke balile palenyana khetlo le leng, ka eona, e ka ba tšomo. Ha ke re e ne e nèpile.

<sup>106</sup> Empa a re, "Esale ke shebeletse mohla Messia a tla fihla." Le ho re, "Ke—ke—ke a tseba pele nako eo e fihla, ho tla hlaha mekha ea mefuta eohle, ho tla hlaha lintho tsa bohata. Empa, mora, joaloka Moheberu, re a rutoa, joaloka Baheberu, ho lumela baporofeta ba rōna, hoba Lentsoe la Morena le tla ho baporofeta, 'me eena feela. Morena o itse, 'Ha Ke etse letho pele Ke le senolela baporofeta ba Ka.' 'Me Messia enoa, ho latela Moshe, 'Morena Molimo oa lona o tla le hlaisetsa moporofeta hara lona, ho banabeno, ea joaloka 'na.' 'Me Messia e ke ke ea eba mosuo. E ke ke ea eba mokhatlo oa bolumeli. E tla ba moporofeta, 'me Lentsoe la Morena le tla ba le Eèna."

Andrease o ne a utloile Johanne a bua ka ho tla ha ea joalo, "Mokolobetsi."

<sup>107</sup> Empa eaba, tsatsi le leng, Simone ka seqo o kena ka pel'a Sefahleho sa Jesu enoa oa Nazaretha. 'Me hang hoba A mo shebe, A re, "Lebitso la hau u Simone, 'me u mora oa Jonase." A reka pholisi ka potlako. A tseba hoba eo e ne e le Messia. E ne e le Lengolo le netefalitsoeng la letsatsi la hae, Messia. Ba bang ba sitiloe joang ho e bona?

<sup>108</sup> E mong o ne a eme, ea bitsoang Filipi, ea ithatikileng ka thaba limaele tse ka bang leshome le metso e mehlano, ho ea ho mothaka ea bitsoang Nathanaele. Ba ne ba balile Bibebe 'moho. Mohlomong moqoqo oa bona o batla o le tjena, ha a mo fumana

tlas'a sefate, a rapela. A re, "Nathanaele." Ehlile, ka ho ba monna ea khabane ea latetseng Jesu; motho mang le mang ea latelang Jesu e tla ba monna ea khabane. Eaba o mo fumana a rapela; a— a mo emela nakoana. Empa le a lemoha, ha a bua le eena ka meru ea hae ea mohloaare kapa joalo-joalo. O ile a toba ntlha, "Tloo, u bone Eo re mo fumaneng: Jesu oa Nazaretha, mora oa Josefa."

Ho re, "Joale, na ntho e molemo e ka tsoa Nazaretha?"

A re, "Tloo, u bone."

<sup>109</sup> Ke eona karabo e khabane eo motho a ka e fang e mong. "Tloo, u iponele. U se ke ua lula hae ua nyatsa. Tloo, u ipatlele eona."

<sup>110</sup> Tseleng e potolohang, mohlomong moqoqo oa bona o ne o le tjena. Mohlomong Nathanaele o itse, "U a tseba, esale re lebeletse Messia, ka lilemo. U a tseba, Filipi, kamoo re ithutileng sena. Khele, ke lumela Messia mohla a tlang, Molimo o tla phetla liotlo tsa Leholimong a lepeletse mehohoma e meholo, methati hantle holima (ea rona) jarete e kholo ea tempele moo Kaiafa moprista oa rona e moholo a leng teng, 'me O tla re, 'Ke 'na enoa.'" Ua bona? Empa Lengolo ha le a Mo tlaleha a tla tla joalo.

<sup>111</sup> O tla tla feela kamoo Lengolo le boletseng. O tlile e le moprofeta ea joaloka Moshe, monna oa tloaelo feela, molisa oa linku.

<sup>112</sup> Lemohang, 'me eare ha a fihla ka pela Sefahleho sa Messia, 'me A le moleng kapa a rapella bakuli, kapa seo A neng a se etsa. Re fumana Messia a mo sheba, le ho re, "Bonang Moiserale eo ho seng mano ho eèna."

<sup>113</sup> Joale u ka e hopola e le kahobane a ne a apere joalo. Empa, le hopole, batho bohle ba Bochabela ba ne ba apara ka ho tšoana, turbane le litelu, le joalo-joalo. Le sa hopola, Jesu o tsamaile le bona, hape, tseleng e eang Emmause, letsatsi lohle, ka mora tsoho ea Hae, 'me ba sa Mo tsebe. O ne a apere ka ho tšoana.

<sup>114</sup> Ka hona re fumana ka pela Sefahleho se seholo sena sa Hae, o itse, "Rabbi." Mohlankana ea khabane enoa oa Moheberu o itse, "Rabbi, U ntsebella kae? U ntsebella kae, ho ntseba ke le e—e Moiserale, ea 'nete, seriti sa ka? Ha U eso mpone pele. U ntsebile joang?"

<sup>115</sup> 'Me A re, "Le pele Filipi a u bitsa, u sa le tlasa sefate, Ke u bone."

<sup>116</sup> O ile a reka pholisi. A itihela maotong a Hae joaloka mohlankana e mong enoa, ho re, "Rabbi, u Mora Molimo. U Morena oa Iserale." Lebitso la Hae ha le shoe kajeno.

<sup>117</sup> Ho na le mosali e monyenyanane, nka bua ka eena ka lebaka la mafumahali a emeng haufi. Mofumahatsana enoa o ne a sa tšoane le uena. A le e—e molato oa boitšoaro khahlano le eèna, le kereke. Mohlomong ngoana e mocha ea lahletsoeng seterateng, a

fositse. Mohlomong batsoali ba hae ba sa mo hlokomela. E ne e le halofo ea Mojuda le Molichaba; e ne e le Mosamaria.

118 Hopolang, merabe ea batho e meraro feela, haeba Lengolo la rona le nepile.

119 'Me Molimo a ntšoarele ho re “haeba” E lokile. E lokile. Ke Molimo ka Sebele. “Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo. 'Me Lentsoe le ne le etsoe nama la aha har'a rōna.” “Eèna maobane, kajeno, le ka mehla.”

Kahoo moroetsana enoa o ile a lahloa.

120 Pele, nka hlalosa Kama, Sema le batho ba Jafeta. Joale rona, Balichaba, re ne re le bahetene matsatsing ao, re ne re rapela lisèto, empa Mojuda le Molichaba ba ne ba lebeletse Messia. 'Me O tlela ba Mo lebeletseng feela.

121 Ka linako tse ling kajeno, re re re Mo shebeletse, athe re tsetelae limilione le libilione tsa lidolara linthong, le ho haha matlu a thupello le lintho. Ke a ipotsa. 'Me baromuo ba bolaoa ke tlala tšimong, kea ba tseba, kantle mono bosiuung bona ba ntse ba rera, ba sa roala para ea lieta. Re sebelisetsa limilione le limilione tsa lidolara ho lithole, 'me hape, khele, liketso tsa rōna li ahlola bopaki ba rōna.

122 Empa mona mosali e mocha enoa, kadoo re mo tsebang, e ne e le Mosamaria. Jesu o ne a le leetong la Hae le eang Jeriko, e leng ka tlaase ho Jerusalema. Empa A pota ka la Samaria 'me a fihla motseng o bitsoang Sikare, 'me a roma barutuo ho reka lijo, lijo. 'Me eare ba sa tsamaile, mosetsana enoa a nyoloha ho kha metsi, 'me A—A re ho eèna, “Mphe metsi.”

123 'Me a qamaka, ka ho 'Mona e le Mojuda, a re, “Ha se moetlo ha U nkopa tse joalo.” Ho re, “U Mojuda.”

124 A re, “Empa holane u tsebile Eo u buang le eèna, u ka be u kopile metsi ho 'Na. Ke ne ke tla u fa metsi ao u sa tl'o tla a kha mona.”

125 Eaba moqoqo o tsoelapele, ka borapeli, qetellong A hokahana le bophelo ba hae. A re, “Tsamaea u eo lata monna oa hau le tle koano.”

A re, “Ha ke na monna.”

126 A re, “U buile 'nete. U bile le ba bahlano, 'me eo u lulang le eena hona joale hase monna oa hau.”

127 Joale matsatsi a 'maloa pele ho moo, baruti le borabi ba letsatsi leo, banna ba tlamehileng ba be ba tsebile hantle, ba itse, “Ke Belsebule. O etsa hoo ka moea o mobe.” Ba ne ba tlameha ho arabela phutheho ea bona. Eaba ba e qapa, ho re, “Ke moea o mobe.”

128 'Me Jesu a re, “Ke tla le tšoarella hona,” pheko e ne eeso etsoe. “Empa mohla Moea o Halalelang a tlileng ho etsa hona



hoo, ho bua khahlano le Oona ho ke ke ha tsoareloa le ka mohla,” ’me rea tseba e etsahetse mohla Titase, hoba ba hanele Moea o Halalelang, Titase o chesitse tempele a qhalanyetsa Bajuda lefatšeng lohle. ’Me hona joale ba boela ba phutheha, ho phethahatsa Lengolo.

Joale, lemohang, joale mosetsana enoa.

<sup>129</sup> Athe, Bajuda bao ba bone hoo ho etsoa, ’me ba E bitsitse, “moea o mobe, moea o litšila,” Bibeletse e boletse, “ho bitsa Moea oa Molimo, o etsang mosebetsi, Moea o sa hloekang, liabolosi,” joaloka senohe kapa motho ea khopo.

<sup>130</sup> ’Me eaba, ka potlako, mosali enoa a tseba ka ho fapana. Mohla A itseng, “E-ea lata monna oa hau.”

A re, “Ha ke na eèna.”

<sup>131</sup> A re, “U boletse teng, hoba u na le ba bahlano, le eo u lulang le eena, ha see monna oa hau.”

<sup>132</sup> Shebang sena. Ka potlako a re, “Monghali, kea lemoha hobane U Moporofeta.” Hopolang, ba ne ba hlokile baporofeta lilemo tse ka bang makholo a mahlano. Malakia e ne e le moporofeta oa ho qetela oa Moheberu. “Rōna, rea tseba Messia o a tla, ’me bona e tla ba boitsebiso ba Messia. Rea tseba, mohla A tlang, O tla etsa sena.”

Jesu a re, “Ke ’Na ea buang le uena.”

<sup>133</sup> ’Me a reka pholisi. Uh-huh. ’Me a kena motseng, ho hasa Litaba tse molemo, hore o fumane Messia. O ne a ruile Bophelo Bosafeleng hobane a lumetse ho Eèna. O tsebile joang? O bone boitsebiso ba Lengolo bo bonahatsoa ke Eèna.

<sup>134</sup> “Re tseba seo, mohla Messia a tlang. Re hlokile moporofeta lilemo tse makholo a mane, ’me, mohla A tlang, e tla ba monna ea latelang temeng. Joale mohla A tlang, re tla Mo tseba, ’me O tla etsa hona hoo.”

<sup>135</sup> Ho re, “Ke Eèna.” O ile a reka pholisi. A e thahasella.

<sup>136</sup> Nikodema. Metsotso e ’maloa, ho koaleng joale. Nikodema, rabbi, monna oa lilemo tse ka bang mashome a robeli. O ne a khotsoe hob Jesu o ne a tsoere ntho e fapaneng le ea motho e mong, ka hona o ne a batla pholisi. Kahoo a tla bosiu, ho reka pholisi, ’me a fumana banka e buletsoe khoebo. Uh-huh.

<sup>137</sup> Kamehla e butsoe. E butsoe moketeng. E butsoe kantle mane seterateng. E butsoe hohle moo mang a ikemiseliteng ho etsa khoebo, pholisi ena le ea e tsoereng.

A fumana banka e butsoe. O ile a reka pholisi.

<sup>138</sup> Joale rea tseba, ho Luka 24:49, hoba Jesu a khethe barutuo ba Hae, e ne e le batšoari ba pholisi ea Bophelo Bosafeleng. Ka hona joale, le a tseba, pholising ea tloaelo ea inshorensense, kamehla ba lefa liabo. Ka hona ba ne ba se ba amohetsoe ’me ba khethiloe ke Jesu, ka hona ba nyolohela Jerusalema, ba emetse Letsatsi la

Pentekosta, ho fumana liabo tsa bona. 'Me e lefile, ka kolobetso ea Moea o Halalelang, le ka matla a ho bonahatsa Jesu Kreste.

<sup>139</sup> Methodise, Baptise, Presbeteriene, Orthodox, u ka bang mang, ba ipolelang e le Bakreste, hobaneng le sa etse joalo? U lumela ho Jesu Kreste le ho fetoha setho sa kereke, hobaneng le sa nyolohela Pentekosta, ho fumana liabo tsa lona, matla a Moea o Halalelang! Batšoari bao ba pholisi ba li hutse. U ka khona, le uena, haeba u e lumela 'me u u e lumela ruri.

<sup>140</sup> Petrose o buile le bona, ho re, “Pallo ena e etselitsoe lōna le bana ba lōna, le ba leng hole kaofela, bao Morena Molimo oa rōna a tlang ho ba bitsa.” Ba ne ba batlile ho tseba hore ba etseng. A re, “Bakang, e mong le e mong oa lona, 'me le kolobetsoe ka Lebitso la Jesu Kreste tsoarelong ea libe tsa lona, 'me le tla amohela neo ea Moea o Halalelang.” E ne e le tšepiso.

<sup>141</sup> Kahoo haeba u le moipoleli feela, bosiuung bona, 'me ho se mohla u kileng ua hula liabo tsa hau, hobaneng u sa tle le pholisi ea hau, bosiuung bona, tloo ke qoqe le uena nakoana. Khumama le 'na metsotso e 'maloa 'me u fumane haeba ho se joalo. Tšepahala ka eona. E tla lefa hona joale, haeba u hlile u tsoere pholisi. O tla hlompha pholisi, tumelo ea hau, ha u re e ho Molimo. Haeba e le ka ho Molimo le Lentsoeng la Oona, 'me e se ka hara kereke e itseng kapa tumeloana ea bolumeli, empa ho lumela ho Jesu Kreste feela, e tla lefa. O tseba pholisi ea Hae ka Sebele.

<sup>142</sup> Ho kenya motho e mong, metsotso e 'maloa feela. Ho kile ha ba le Moheberu e mong oa morui ea kopaneng le Jesu tsatsi le leng ka mora lefu la Hae, kepele, le tsoho.

<sup>143</sup> Haeba Moheberu a le teng mona, bosiuung bona, kapa e ka ba mang, thakhiso ea Hae ha se boitatolo ba letho empa u ka kopana le Eena hantle mona, joalokaha—joalokaha mohlankana oa morui a kopane le Eena. Ha u batla pholisi, O teng mona ho etsa khoebo.

<sup>144</sup> Ho ne ho le monna ea bitsoang Saule, ea rutiloeng lithuto tsohle tse kholo le meetlo ea sechaba sa habo. Gamaliele e ne e le moruti oa hae, e mong oa baruti ba khabane ba Baheberu ba letsatsi. 'Me Saule o ne a chesehella hona haholo, a ba a tlepetsa Setefane ka majoe, kapa ho paka Setefane, kapa ho e lumella. A tsoara liaparo tsa bona, ha a ntse a ba laetse, a na le matla a tsoang ho moprista e moholo a ho hlahlela batho bao kaofela, ba pholisi eo, teronkong, hoba a ne a laetsoe ke baholo ba hae, ho re, “Monna enoa e ne e se moporofeta. Monna enoa e ne e se letho haese lehlanya.” 'Me a suntse mangolo pataneng ea hae, a theoha, hoba o utloetse ba bang tlase Damaseka, ba tsoereng pholisi eo. 'Me ba ne ba khahluoe ke eona, 'me ba ne ba hlile ba etsa lintho.

<sup>145</sup> 'Me moprista e moholo a 'molella, “Saule, u monna ea chesehellang. Apari bolaoli bona, bo tsoang ho 'na, theohela mono u tsoare e mong le e mong oa bona, hobane ha se letho haese mahlanya, ha ho letho ho bona. Theoha u ba tlame, u ba

hlahlele chankaneng. U tlameha ho ba bolaea, ho ba bolaea, ho itoketse. E-ea u ba late!”

146 Saule a re, “Motlotlehi, monghali, ntate ea halalalang, ke tla ea.” A theoha.

147 Tseleng ea hae e theohang, a ntse a tsamaea haekaba hora ea leshome le motso o mong ea letsatsi, a atamela motse. Hang feela, Topallo ea Mollo ea theoha maholimong, ea mo otlala ea mo lihela fatše. ‘Me a phahama ho sheba, ‘me Topallo eo ea Mollo e eme ka pel’a hae.

148 Joale ho paka seo ho lona. E ne e le Moheberu, ‘me a ka be a sa rapela letho kapa ho bitsa letho Morena, a sa tseba hoba ke Morena. ‘Me o tsebile, joaloka moruti tlas’a Gamaliele, hore Lengeloi la Morena, e neng e le Logos e tsoileng ho Molimo, e ne e le Krete ea ba tsamaisitseng lefeelleng, a nkile sebopeliso sa Leseli, Topallo ea Mollo. ‘Me eare ha E mo lihela fatše, ‘me a lelala ‘me a E bona mono, a re, “Morena.” Joale, a ka be a sa bitsa letho haese Hoo, Morena. Empa, ka ho ba Moheberu, o tsebile hoba Eo e ne e le Jehova. Ke ka hona a fumaneng tšenolo, ho tlaleha hoba Jesu oa Testamente e Ncha e ne e le Jehova oa ea Khale. E ne e le tšenolo ea hae eo, hoba o ne a bone Jehova. ‘Me o itse, “Morena, U Mang?”

149 A re, “Ke ‘na Jesu, ‘me ho thata ho uena ho raha litsenene.” ‘Me a reka pholisi.

150 Bapisang banna ba babeli bao ‘moho. Mohlankana e mong oa morui oa Moheberu ea batlileng ho tiisetse meetlo ea bona; e mong ea neng a khotsoe. E mong oa bona o Mo bone e le motho, hore Molimo o ne a entsoe nama ho shoa le ho tlosa sebe.

151 Mali a likonyana le lintho, bophelo bo neng bo le ka mono, bo ne bo ke ke ba tla holima molumeli, hobane ke bophelo ba konyana, ha e na soule-semelo ho eona, bophelo ba phoofolo. Empa enoa e ne e le Molimo ka Seqo, ‘me, hape re tsoaloe ke Moea oo, re bara le barali ba Molimo, Bophelo bo neng bo le holima Sehlabele sa rona.

Bapisang banna ba babeli bao ‘moho.

152 E bone E netefatsoa, hore Molimo o ne a le ka ho Krete. Eona Topallo ea Mollo e tsamaisitseng batho ba Hae lefeelleng, le ho ba fihlisa mono, ho ba fepa letsatsi lohle. Hopolang, mohla Jesu a na a le lefatšeng, O itse, “Ke tsoa ho Molimo, ‘me Ke ea ho Molimo.” E ne e le Topallo ea Mollo e tsamaisitseng bana lefeelleng.

153 Bibe e boletse, ho re, “Moshe o lekantse matlotlo a Krete e le moruo o fetisang a Egepete ka boholo.” A tela Egepete, ho latela Krete.

154 Mohla A neng a le mona, Topallo eo ea Mollo e ne e supiloe ka ho Eëna, Molimo. O itse, “Ekare ha Ke sa etse mesebetsi ea Ntate oa Ka, le se ke la lumela ho ‘Na. Mesebetsi e le bolella seo

Ke tlamehang ho se etsa. Ekare ha Ke sa etse hoo, le se ke la e lumela. Empa ekare ha le sa lumele ho 'Na. . . .”

Ba re, “U—U motho ea Iketsang Molimo.”

<sup>155</sup> A re, “Ekare ha le sa lumele ho 'Na, joaloka Motho, le mpe le lumele mesebetsi. E paka ka 'Na.” Ua bona?

<sup>156</sup> Joale, mohla A ne a shoele, a epetsoe, a tsoha, a nyoloha, ke rōna bana re Mo fumana hape ka Topallo eo ea Mollo. O ne a tsoile ho Molimo, 'me a ile ho Molimo.

<sup>157</sup> E sa le Eena eo, Eena eo joale. Lemohang, ehlile, Eena eo E neng e le eena.

<sup>158</sup> 'Me eitseha Pauluse, kapa Saule mohlang oo, a eelloa hoba Molimo Jehova, Topallo ea Mollo ea Testamente ea Khale, e ne e Ipitsitse Jesu, o ile a reka pholisi ea hae. O ne a itokiselitse eona lekhateng leo.

<sup>159</sup> Eo e bile qeto e bothoto hakaakang ho 'musi eo e monyenyanane! Ha se le. . . .Kamoo a tsoanetseng a be a. . . .Eng, o khonne joang ho e etsa? [Sekheo lebanteng—Mohl.]

<sup>160</sup> U ka nehela eng ho e fapanyetsa ka soule-semelo sa hau? Ka mor'a meaho eohle ea hau, le uena—u e siela beng ka uena ho loantšana ka eona, le tsohle, ho ka thoeng ka soule-semelo seo le moo u tlang ho ba teng? Hopola, u tla ba nqa e 'ngoe, lilemo tse likete ho tloha bosiueng bona. Ena e ka ba nako ea hau ho etsa qeto ea hau.

<sup>161</sup> Hlokomela hore ke phoso e bothoto hakakang rakhoebo- . . . E ne e le e—e rakhoebo ea soto hakaakang, ho leka ho tiisetša moetlo, athe e ne e supiloe ho eena le ho netefatsoa hoba Mona e ne e le Bophelo Bosafeleng, 'me o pakile hona hoo ka ho botsa Jesu ka eona.

<sup>162</sup> Pauluse o e amohetse. Re tseba kamoo a tsoileng kateng. Joaloka batho ba mehleng eo, ba rata maikutlo a tummeng, le thorisō ea motho bakeng sa tlhompho ea Molimo. Pauluse o ne a sa tsoitelle thorisō ea motho. O ne a batlile hlompho ea Molimo.

<sup>163</sup> Ha re saleng mohlankana enoa morao nakoana pele re koala. Ha re mo saleng morao. Re fumana sebaka se latelang, seo, mohlankana enoa, na le tseba se mo hlahetseng? Ha a ka a fetoha mofutsana, ka ho etsa sena. Ha a ka a fetoha mokopi seterateng. O ne a atetsoe ke maruo. O ne a hanne monyetla.

<sup>164</sup> Hangata, batho kajeno ba tšeha ba soma Moea o Halalelang, ba ntano tsoelapele ba hola khoebong ea bona. Le a tseba, tšoarelang tlhahiso ena. . . .Empa ha ba tšeha, ho re, “Khele, sheba, 'na! Haeba ntho e le teng ho Eona, ua bona, khele, e ka be e ntlahetse, ntho e ka be e ntlahetse.”

<sup>165</sup> Le a tseba, a teng e—e—e maele, a reng, “Lithoto li tla tsamaea ka lieta tse litsenene moo Mangeloi a tšabang ho hata teng.”

166 Mohlankana enoa oa 'musisi o hlile a etsa joalo. Ua bona? O entse e—e phoso e nyarosang, 'me re e fumana e sa sitisa khoebo ea hae. O ile a ateloa. A tuma ho feta, a rua leruo le le ngata. Rea fumana, ka mora nakoana, a phahame hoo a bileng a tlameha ho haha matlo a macha ho sunya thepa ea hae teng.

167 'Me kahobane kereke e hanne Moea o Halalelang, matsatsing ana a qetelo, e atetsoe. 'Me joale le kena Lekhotleng la Likereke, hantle feela seo Bibeletse e boletseng le tla se etsa. Joale u hlile u Laodisea, "morui le mononi," joaloka mohlankana eo.

168 E ne e le papiso ea kereke, e latolang. Pauluse e ne e le papiso ea ea amohelang. Bobeli ba bona ba fuoe monyetla, joaloka lona bosiueng bona, le 'na ke o fumane.

169 A ateloa ke maruo. Le kereke e joalo, Mongoaha oa Laodisea, o atetsoe ke maruo. 'Me le hopole, a phahama haholo, a ba a tuma haholo, esita le babusisi, batho ba baholo, ba qala ba fihla. 'Me a hlophisa mokete o moholo, ka mohla o mong.

170 'Me ha fihla motšoari oa pholisi ea Bophelo Bosafeleng bazareng ea hae, 'me re mo fihlela a robetse monyako. Oh, a ka mo fiella makumane. A boela a fuoa monyetla hape, paki, Lazaro a mo pakela. Empa a mo fiella makumane feela, "Oh, be, ke tla leka sena, ho nka kotara ena, kapa eng," le a tseba. Boo e batla e le boitšoaro ba 1964. "Oho, ke tla thusa hanyenyane. Ho itoketse, mo tlohele a tsamaee, le a bona."

171 Empa o ne a tsoere pholisi. "Bafumanehi moeeng," Mattheu 5 e re bolella e le bona, "Muso oa Maholimo ke oa bona."

172 A tsoella ho ateloa ke thepa, 'me a tuma le ho feta, 'me e le monna e moholo, empa qetellong tefiso ea hae ea fihla. Qetellong ea fihla. Lefatšeng a lefshoa moputso o moholo. A makhile lepato le leholo, ntle le pelaelo. Moreri e moholo oa bolumeli bo hlophiloeng a fihla, mohlomong a bua mantsoe a maholo ka eëna. Ekaba ba fofisitse folaga bohareng ba palo. Borakhoebo ba khabane ba mo isitse kepelong ea hae. Empa Bibeletse e itse, "lihelong," phjetetso ea hae e tlile ka ho hana pholisi ea Bophelo Bosafeleng.

173 "A lelatsa mahlo a hae lihelong, a le bohlokong." 'Me a sheba hole koana khohlong e khōlō, eo Jesu a boletseng ho se motho ea kileng a e tšela kapa ea tla khona le ka mohla, 'me a fumana moreki oa pholisi ea Bophelo Bosafeleng, a tšelisitsoe, mose oane. Bobeli ba bona. E mong o ne a E amohetse. Bobeli ba ne ba lefiloe. Mofiela-makumane o ne a phetelitsoe. 'Me joale monna oa morui o fetoha mokōpi, "Monna ea tsoereng pholisi a ke a khutle a ame melomo ea ka ka e—e metsana, hoba malakabe ana a ntlhokofatsa."

174 U se ke ua etsa phoso eona eo, rakhoebo. U motho ea shoang joaloka bona. U tlameha ho etsa qeto. Etsa matsete a hau joale. E kholise. "Etsa khetho ea hau, kholisa pitso ea hau." Reka e 'ngoe ea lipholisisi.

<sup>175</sup> Sheba feela—feela nakoana kapa habeli hape, ha u khona. Mohla Moshe, ea tetseng, athe ke khosi ea Egepeta, Faro, ho lekanya sekhobo sa Krete. Faro a sheba batho bao e le mpho ea baluba-seretse, empa Moshe a ba sheba e le batho ba tšoereng tšepiso.

U ba sheba joang, batho ba Molimo?

<sup>176</sup> Moshe o ne a lefiloe. Shebang bajari ba hae. Bibe e itse e ne e le “Mangeloi.” Hobaneng? Ho se motho ea ka mo isang moo a eang teng. E ne e le bajari ba hae.

<sup>177</sup> Elia o a le mehleng eo basali bohle ba kutang moriri oa bona, joalokaha Mof. Kennedy le bao ba etsa kajeno. Ho taka lifahleho tsa bona, Jesebele. Khosi le batho bohle ba ne ba ipapisitse le lefatše; le kereke e entse joalo, hape. 'Me Molimo oa romela moporofeta, ea bitsoang Elia, ho ahlola ntho eo. Hoba a tsofale a khathale, a se a itokiselitse ho ea Hae, o ne a sa tlameha le ho shoa. Moputso oa hae o tlile, hape, Molimo oa mo romella koloi le lipere tse itseng, oa mo nyollela Maholimong.

<sup>178</sup> Setefane, ea emeng pel'a Sanhedrine, a bua le bona 'me a re, “Oh, lona ba melala e thata, ba sa bollang pelō le litsebe, ba hanelang pholisi, le hanela Moea o Halalelang kamehla. Joaloka bontata lona, le lona le etsa joalo.” Lefung la hae, o ile a lefshoa. A lelala 'me a bona Maholimō a phetliloe, Jesu a eme letsohong le letona.

<sup>179</sup> Moody, matsatsing a ho qetela, lilemo tse ka bang lekholo tse fetileng, moteinyana oa lieta oa Chicago, a batla a sa khone ho ngola lebitso la hae. Pampiri e rometse ho hlabisa Moody lipotso, khetlo le leng. Bosebeletsi ba hae bo ne bo tsoile ka mahetla, ba batlile ho 'mona a ngola pampiring se entseng hoo; e ne e le eng ka Moody, e tlameha ebe ke moreri oa mofuta ofe, le moreri ea mahlahahlaha. Kahoo ba romela ho mo hlaba lipotso, ho ngola sengoloo sa bona. 'Me Moody a sa khone le ho e bala hoba ba e ngole, eaba manejara oa hae o tlameha ho mo balla eona. 'Me a re . . .

<sup>180</sup> E ne e baleha ka mokhoa ona. E itse, “Hore motho a ka ea utloa Dwight Moody a rera, ke ntho e ntharang ho e bua.” Ho re, “Ntho ea pele, ke monna ea mobe ka ho fetisisa eo nkileng ka 'mona, lefatla le matšoala a lepeletse.” Le ho re, “Setopo sa hae—se lekana le bolelele ba hae.” Le ho re, “Ha a leka ho rera, ha a khone ho bala. 'Me ha a rera o a kherehla, o bua ka nko ea hae, 'me o a holoketsa.”

<sup>181</sup> Hoba a qete, Mongh. Moody a sihlelsa mahetla a hae feela, le ho re, “Ruri lekhale. Ba tlile ho bona Krete.” Eaba ke phetho. Ho sa tsotelehe seo basomi ba neng ba le sona, o ne a tšoere pholisi.

<sup>182</sup> 'Me mohla a shoang, 'me ngaka e itse, “Leo ke lefu le otliloeng, Mongh. Moody.”

183 A tsoha, a re, “Hona le ho bitsa lefu? Lena ke letsatsi la kapeso ea ka.” Ua bona? O ne a tšoere pholisi.

184 Motsoalle oa ka ea lokileng, Paul Rader. Enere ke sa le moshanyana, ke ne ke—ke ne ke tlotsoe kerekeng ea Missionary Baptist, 'me Paul Rader e ne e le Missionary Baptist le eena, ka hona, Fort Wayne, ke ne ke tloaetse ho ea mo utloa a rera. Hamorao, a fihla mona Lebopong la Bophirima 'me a kena khathatsong e ngata, le mathata a lichelete a ba a kula, qetellong ea mo tšoarisisa mofetše, 'me o ne a eshoa. Eena le Luke ba tsamaile 'moho bophelo bohle ba bona, ba khomarelane joaloka 'na le mora oa ka.

185 Eitseha Paul a eshoa, Moody Bible Institute ea theolela k'hotete mono, 'me ba ne ba eme mono. Paul o ne a le metlae. 'Me o ne a . . . Nthoana e matla . . . Moody Bible Institute e nyenyane, le k'hoare ena, ba e rometse tlase mono, kapa khotete, 'me ba ntse ba bina, *Haufi, Le Uena, Molimo Oa Ka*.

186 Paul a retoloha 'me a lahlela lakane a mo koahetseng koana. A re, “Ho shoa mang, 'na kapa lona?” Ua bona? A re, “Bulang likharetene tseo, le mpinele lifela tse monate tsa Evangeli tse sehlahlo.” 'Me ba qala ba bina:

Moloki oa ka o shoetse tlase sefapanong,  
Teng ka llela hlatsuo sebeng sa ka;  
Teng Mali a tlotsoa pel'ong ea ka;  
Ho bokoe Lebitso la Hae!

187 Paul a re, “Moena oa ka o kae, Luke?” Luke o ne a le phaposing e latelang. A sa batle ho bona moena oa hae a eshoa. Ho re, “'Molelle a tle koano.”

188 Eaba Luke o a kena. Bongata ba lōna le mo tsebile, mothaka e moholo ea litho. A kena kahare. Paul a ntša letsoho la hae, a robetse liphatheng, a tšoara Luka ka letsoho a mo sheba sefahlehong, ho re, “Luka, re tsamaile nako e telele 'moho. Empa e nahane, Luka; metsotsong e mehlano ho tloha joale ke tla be ke eme ka pel'a Sefahleho sa Jesu Krete, ke apere ho loka ha Hae.” Ho tšoara matsoho a moena oa hae, pholisi ea hae e ile ea lefa.

189 Motsofe Ngaka Bosworth, ea neng a le mona khetlo la ho qetela, le 'na, khetlo la ho qetela, lilemo tse mashome a robeli a metso e mene, o sa tsoa khutla Afrika. Ka fumana pitso ho “tla Miami.” Ka tabola maoto a koloi ea ka, mohlomong, ho fihla mono. Ho re, “O ne a eshoa.” Ka mo titimela. Ke mo tsebile e ne e le motšoari oa pholisi. Ka theoha.

190 Ka kena phaposing mono. Thakanyana le lefatla le phahamisitse matsoho a lona, liphakana tsa lona tse tetemang. Ka mathela ho eena ka itihela fatše ka sefahleho, ka hooeletsa, “Ntate, ntate, makoloi a Iseraele le bapalami ba 'ona!” A bea matsoho a hae holima ka 'me a ntlhohonolofatsa.

Ka re, “Moena Bosworth, na nka u rapella?”

Ho re, “Che.” Ho re, “Ha ke kule.”

Ka re, “Molato ke’ng, Moena Bosworth?”

Ho re, “Ke ea Hae feela.”

<sup>191</sup> Ka re, “Ke tsebile seo.” ’Me ka re, “Ke batla ho u botsa se seng, Moena Bosworth.” Ka re, “Nako e khōlōhali bophelong ba hau le bosebeletsing ba hau e ne e le efe? Esale u sebeletsa Molimo le pele ke hlaha. Re kene masimong a boromuoa ’moho. Re kene lifefong, sebakeng le leoatleng. U kile oa ema lephakong la ka mohla ke boneng matemona mahlakoreng ’ohle, le lingaka tsa baloi. ’Me ebile hlasimollo e khōlō ha re bona Molimo o ba holofatsa ba eme mono. Hlasimollo e khōlōhali bophelong ba hau e ne e le efe?”

<sup>192</sup> A re, “Hona joale.” O ne a itokisetsa ho hula pholising ea hae. A re, “Sohle seo ke se pheletseng, Moena Branham, ebile Jesu Kreste, ’me O tla kena monyako motsotso ofe ho nkisa Hae.”

<sup>193</sup> E, bao e ne e le batšoari ba pholisi ba ne ba tetse sohle sa bona, ’me ba e tsetetse ho Perela ea theko e thata. Na u ke ke ua tsetela, bosiueng bona, le uena, re sa inamisa lihlooho tsa rōna?

<sup>194</sup> Ha ke bone har’a letšoele. Ha ke tsebe se . . . ba bakae, kapa ba shebileng ka hare, ka thelebishene ea sekete-e-koetsoeng bosiueng bona. Ke tlil’o u botsa, motsoalle, mantsoe ana e se be bosaoana. U motho ea shoang. U tlameha ho shoa. U a e tseba. ’Me nako ea hau e ka fihla pele le ho hosasaa. Ha ke . . . ha ke motho ea qophellang hakaalo; ’me, hobane Jesu o itse, “Bohle bao Ntate a ’Neileng bona ba tla tla.” Haeba sebaka sa pholisi eo se le teng pelōng, bosiueng bona, na u ke ke ua E amohela? Pholisi eo ke Kreste, monehelo-lerato oa pholisi ea Molimo, Lentsoe la Oona ho phela pelōng ea hau, ho u fetola karolo ea Hae. Ke Lentsoe. Mo amohele bophelong ba hau. Na u ke ke ua e etsa, le ho etsa matsete a mahōlo ana?

<sup>195</sup> Ho ea kamoo ke bonang, ha ke bone haese maoto a ka bang leshome ho tloha ho ’na, kapa leshome le metso e mehlano. Ke tla le kopa ho phahamisa matsoho a lona ha le batla ho amohela e ’ngoe ea lipholisi tsa Bophelo Bosafeleng. Ho re, “Ke a e batla, Moena Branham. Nkhopole feela lithapelong tsa hau. Ha u bone letsoho la ka, empa Molimo o a khona.”

<sup>196</sup> Ntata rona ea Maholimong, pale e nyatsehang ena, e khohlahetseng, leha ho le joalo ke ea ’nete ea bophelo. Ke e buile tjena, Morena, ka lebaka la batho, borakhoebo, ba tla e utloisisa haholoanyane tjena kaha e le ntho e bapisitsoeng mona lefatšeng. Lebaka leo ke e bitsang pholisi. Ntšoarele haeba ke fositse ho e bitsa joalo. Hobane, joale re e—e motsotsong o khethehileng ruri, moo ntle le pelaelo bongata bo nahanang ka thata joale, ho itseba le bona ba tlameha ho lefshoa holima sohle seo ba se ruileng mona, ’me ba bona seo ho hana ho se bolelang.



<sup>197</sup> Joale, mohlankana eo, kamoo ke tsebang, mohlomong o ne a tumme har'a batho, a lula ka kerekeng, a boloka melao, a sa febe, kapa ho utsoa, kapa ho etsa lintho tseo, empa pelōng ea hae o itsebile a se na Bophelo Bosafeleng. Etsa bao, Morena, ba lekang ho kopana le Uena, bakeng sa Bophelo Bosafeleng, ka litloaelo tseo tsa boitšoaro feela, bosiuung bona ba amohele memo, 'me ba eme ka maoto a bona feela, le ho re, "Morena, ke tla etsa sohle seo U nkopang ho se etsa." Aba sena, Morena.

<sup>198</sup> Ke ba Hau bohle joale. Ke nehela tsohle ho Uena. 'Me haeba peō e oetse nqa efe, Morena, mobung ofe, peo efe feela e reriloeng pele, e sa le e lapile 'me e nyoriloe lilemo tse ngata, e ka ba e oetse kae-kae holim'a ba bang bosiuung bona. Ba ke ba amohele Bophelo, Ntate, hoba ke e kopa ka Lebitso la Jesu Krete.

<sup>199</sup> 'Me ka lihlooho tsa rōna tse inamisitsoeng ka linako tsohle, ke tlil'o kopa Moena Pearry, haeba a rata, ho tla mona le ho lula, ho nka karolo e setseng ea tšebeletso. 🐦

64-0314 Matsete  
Beaumont Hotel  
Beaumont, Texas U.S.A.

SOUTH SOTHO

©2024 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)